

**Zeitschrift:** Le nouveau conteur vaudois et romand  
**Band:** 94 (1966)  
**Heft:** 3-4

**Artikel:** L'archinbyâye di patêjan ou Mouret  
**Autor:** Bongâ, Mariëta  
**DOI:** <https://doi.org/10.5169/seals-234439>

### Nutzungsbedingungen

Die ETH-Bibliothek ist die Anbieterin der digitalisierten Zeitschriften. Sie besitzt keine Urheberrechte an den Zeitschriften und ist nicht verantwortlich für deren Inhalte. Die Rechte liegen in der Regel bei den Herausgebern beziehungsweise den externen Rechteinhabern. Siehe Rechtliche Hinweise.

### Conditions d'utilisation

L'ETH Library est le fournisseur des revues numérisées. Elle ne détient aucun droit d'auteur sur les revues et n'est pas responsable de leur contenu. En règle générale, les droits sont détenus par les éditeurs ou les détenteurs de droits externes. Voir Informations légales.

### Terms of use

The ETH Library is the provider of the digitised journals. It does not own any copyrights to the journals and is not responsible for their content. The rights usually lie with the publishers or the external rights holders. See Legal notice.

**Download PDF:** 16.05.2025

**ETH-Bibliothek Zürich, E-Periodica, <https://www.e-periodica.ch>**



## L'archinbyâye di patêjan ou Mouret

Dou momin ke l'avé aprê ke din trè velâdzo d'la kotze ly avê di loto n'èthê pâ chin pochyin ke no j'an prê la route dou Mouret la demindze né dou 23 d'oktobre.

Pê l'amabilitâ dè M. Francis Tanner, ke l'è vinyê no tsértsi, no chin j'ou d'abo chu pyèthe. Ouna trintanna dè j'èmi dou patê atindan l'achinbyâye. Kemin hou dou comité n'èthan pâ ti inke, tsakon l'a pachâ on kârd'âra a kontâ chon dzouyo è chè pênè. Din chi tin, le nonbro di patêjan l'avé drobyâ. No j'an la kothema dè pachâ on kalyé por inchkrire lè non di brâvè dzin ke rèpondon a l'invitachyon ke no j'invouyin din hou j'intinhyon. L'è bin avui le kâ charâ ke l'é remarka ke chu lè 60 patêjan ke no j'èthan a la Kri-Byantse n'in d'avé tyè trèdzè d'l'indrê, ma rèchpè po la boun' anhyanna dè 86 j'an k'èthê pêrmi là.

A vouèt'ârè è demi, l'achinbyâye chè ourâye pê le tsan di j'Armalyi di Colonbêtè. Kan M. Mouron, prèjidan, l'a j'ou fê lè konpyimin d'ujâdzo, Mariëta Bongâ l'a yê le protocole de la rinkontra d'Epindè.

La partya dzoyâja di fariboulè l'è j'ou intrètinyète pê lè Moncheu Franthè Bourdyè è Piéro Yêrly dè Trivo, Gabriel Kolly d'Echê, Franthè Mouron è Reynaud d'Epindè, Francis Tanner è Henri Clerc dè Bounafontanna, Paul Macherel, chindik, è Piéro Kolly dè Prareman, è Luc Baeriswyl dè Korpathâ.

D'la pâ di Damè no j'an oyu Maryè Schorderet, Frida Folly dè Friboua, è Mariëta Bongâ dè Velachi. Madama Claire Kolly d'Echê l'a tsantâ *Nouthra Dona di Mârtsè*, adon ke Piéro Yêrly fajè our la tsanthon dou viyo tin in l'anâ d'la bouna Frozine ke l'avé poyi 50 t'an po le thindika dè Trivo è chuto po l'a rèmarhyâ d'ithre vinyête avui no po ha velya. Du le mitin d'la Grevire, M. Clerc, infirmyé, no j'a de to chon dzouyo d'avé pu vinyi onkou a la réunion di patêjan « Lè Triolè ».

Ke ti lè j'èmi dou patê chèyan rèmarhyâ d'ithre vinyê du bin yin po no rètsoudâ le kâ è no bayi le korâdzo dè mintinyi nouthrè bounè j'intinhyon dè vouêrda le bi lingâdzo di j'anhyan.

Mariëta Bongâ.

### Un 650<sup>e</sup> anniversaire

*Le village de Vaulruz fêtera, le 20 novembre, le 650<sup>e</sup> anniversaire de son existence.*

*A cette occasion, la Société de musique portera à la scène un drame inédit de l'abbé François-Xavier Brodard : « Apri tan dè rebritzè ».*

*L'œuvre a pour décor, précisément, ce village en 1966. Des chants du barde populaire Joseph Brodard encadreront l'action.*